



# Fasnacht 98

dr Kressig isch Essig, das isch lessig

Wotsch e Masgge, nit eini für a d' Fasnacht  
Sondern eini, wo di e bitzli jung macht  
Denn frog doch dr Jörg vom Schwizer Färnseh  
Jo dä wo alli Fraue so gärn gseh.

All Wuche ghörsch dr Nobbi singe  
Und im Törli gsehsch d' Frau Flöri swingä  
Im Rössli chocht dr Sepp zu Tango  
Dangg dr Chraft vo Gurge, Quark und Fango.

Du dr Jörg das isch doch e Siessä  
Vo de Hoor bis abe zu de Fiessä  
Er isch so agrässe, lauft immer mit  
Du meinsch dr Jö, dä isch immer fit.

Isch's dä oder sälbe, nei doch dört  
Ig gsehnen nit, isch das nit gschört  
So vill Stütz han ig miessä zahlä  
Für die blödä Mister-Laufe-Wahle.

Entschuldigung heisst bim Golfä bardon  
Egal ob in Nizza, Arosa oder London  
Los jetz guet, wotsch a Pulver spahre  
Denn muesch i d' Badi zum Männi fahre.

Du dr Kressig isch fertig, numme no Essig  
Muesch nit lache, das isch gar nit lessig  
Euse Vorschlag, chasch's dir no überlegge  
Choche bim Färnseh, d' Lüt würde fascht veregge.

Hüt haue mir dr Kressig i d' Pfanne  
Choche ihn bi ganz chliner Flamme  
Probiere, no n'ä Schüssli Wii  
Und dä Bangg isch scho vorbi.

Nasegrübler-Gugge Laufe